



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-5698/20-2

Datum: ~~30-10-2020~~ godine

Na osnovu člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), člana 70. stav 1. Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, na prijedlog Komisije za nabavku roba, vršenje usluga i izvođenje radova II, imenovana Rješenjem Općinskog načelnika broj: 10-45-1132/20 od 01.10.2020. godine, Općinski načelnik d o n o s i:

O D L U K U

- I** Ponuda „EUROSAN“ d.o.o. Mostar, ul. Bišće polje bb, Mostar, broj ponude: 43/10/20-1 od 15.10.2020. godine, za javnu nabavku zaštitnih maski, dezinfekcionih sredstava i drugog zaštitnog materijala za sprečavanje širenja virusa COVID-19 - LOT 2 sredstva za dezinfekciju i ostali potrošni materijal, prihvata se za dodjelu ugovora.
- II** Ponuđači će o prihvatanju ponude iz stava I ove odluke, biti obaviješteni najkasnije u roku od sedam dana od dana donošenja Odluke.
- III** Ova odluka će biti objavljena na internet stranici Općine Centar Sarajevo istovremeno sa dostavljanjem svim ponuđačima.

O b r a z l o ž e n j e

Otvoreni postupak javne nabavke zaštitnih maski, dezinfekcionih sredstava i drugog zaštitnog materijala za sprečavanje širenja virusa COVID-19, pokrenut je odlukom Općinskog načelnika broj: 02-11-5698/20 od 06.10.2020. godine.

Shodno Zakonu, objavljeno je obavještenje o nabavci putem otvorenog postupka, na internet portalu E-nabavke broj obavještenja: 848-1-1-195-3-154/20 od 06.10.2020. godine.

Do predviđenog roka za dostavljanje ponuda dana 21.10.2020. godine do 11,00 sati na adresu ugovornog organa, pristigle su 3 (tri) ponude ponuđača: „EUROSAN“ d.o.o. Mostar, „R & S“ d.o.o. Sarajevo i „SANAM STYRKA“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su ponude za oba potkriterija ekonomski najpovoljnije ponude, kako slijedi:

r/b kov.	Ponuđač	PODKRITERIJ 1 Ukupna cijena ponude u KM sa PDV-om i popustom	PODKRITERIJ 2 Rok isporuke
1.	„EUROSAN“ d.o.o. Mostar	5.239,79	3 dana
3.	„R & S“ d.o.o. Sarajevo	3.565,60	1 dan
4.	„SANAM STYRKA“ d.o.o. Sarajevo	2.165,08	2 dana

Na zatvorenom sastanku održanom dana 21.10.2020.godine, Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Ponuđači „SANAM STYRKA“ d.o.o. Sarajevo i „R & S“ d.o.o. Sarajevo nisu dostavili svoje ponude na propisanom obrascu za cijenu ponude (Aneks 2/LOT 2) koji je objavljen u izmjenama tenderske dokumentacije dana 14.10.2020. godine. U skladu sa tim, ponude navedenih ponuđača se odbijaju kao neprihvatljive.

Komisija je izvršila računsku kontrolu preostale prihvatljive ponude „EUROSAN“ d.o.o. Mostar i pri tome je utvrđeno da je ponuda računski ispravna.

U nastavku rada Komisija je izvršila bodovanje u skladu sa predviđenim brojem bodova za svaki podkriterij ekonomski najpovoljnije ponude kako slijedi:

Ponudač	Podkriterij	
	Cijena 55%	Rok isporuke 45%
„EUROSAN“ d.o.o. Mostar	5.239,79 KM sa PDV-om = 70 bodova	3 dana = 30 bodova

Nakon bodovanja po osnovu oba podkriterija ekonomski najpovoljnije ponude, izvršeno je rangiranje ponude:

r/b	Ponudač	Broj bodova	Rang
1.	„EUROSAN“ d.o.o. Mostar	100	1

Komisija je u daljem radu donijela jednoglasnu odluku da se Općinskom načelniku preporuča da donese odluku o prihvatanju ponude „EUROSAN“ d.o.o. Mostar, sa ukupnom cijenom ponude u iznosu od 5.239,79 KM sa PDV-om i rokom isporuke od 3 (tri) dana, kao najpovoljnije za dodjelu ugovora za nabavku zaštitnih maski, dezinfekcionih sredstava i drugog zaštitnog materijala za sprečavanje širenja virusa COVID-19 - LOT 2 sredstva za dezinfekciju i ostali potrošni materijal.

Općinski načelnik je prihvatio Izvještaj i preporuku Komisije za nabavke, o čemu je donio ovu Odluku, shodno članu 70. stav 1. Zakona.

Pouka o pravnom lijeku:

Protiv ove Odluke može se izjaviti žalba ugovornom organu Općini Centar Sarajevo, u roku od 10 (deset) dana od dana prijema iste.

Žalba se izjavljuje ugovornom organu u skladu s članom 99. Zakona.

Žalitelj je dužan uplatiti naknadu za pokretanje žalbenog postupka u skladu sa članom 108. stav 1. Zakona.

DOSTAVITI:

- Službi za javne nabavke, zajedničke poslove i informatiku
- Ponudačima:
 - „EUROSAN“ d.o.o. Mostar
 - „R & S“ d.o.o. Sarajevo
 - „SANAM STYRKA“ d.o.o. Sarajevo
- Arhivu

